

Акафист Пресвятой и Животворящей Троице

Кондак 1

Предвѣчный Царю веков и Господи, всея твари видимыя и невидимыя Содетелю, Ему же, в Троице Святей славному Богу, всяко колѣно покланяется небесных, земных и преисподних: тем же и мы, яко крещеннии в Трисвятое имя Твое, аще и недостойнии, хвалѣнное сие дерзаем принести Тебе пение: Ты же, яко Творец, Промыслитель и Судия наш, вонми гласу раб Твоих, и не остави милости Твоея от нас, да из глубины души вину зовем Ти:

Свят, Свят, Свят еси Господи Боже наш, помилуй ны, падшее создание Твое, Имене ради Святаго Твоего!

Икос 1

Архангели и Ангели, Начала и Власти, Престоли и Господствия, предстояще самому Престолу Славы Твоея, не довлеют изрещи величия совершенств Твоих: многоочити же Херувими и шестокрилати Серафими, закрывающе лица своя, точию с трепетом и любовью взывают друг ко другу: Свят, Свят, Свят Господь Саваоф! Нам убо, иже прах и пепел есмы, кольми паче удобее любить молчание: но, да не толиких щедрот, в создании и искуплении на нас излиянных, непаметливы явимся и неблагодарни, подражающе горнему славословию, с верою и любовью взываем:

Свят, Свят, Свят еси Господи Боже наш, неисповедимая совершенств Высот и неизследимая таин Пучино!

Свят еси Господи Боже наш, вездѣ сый и вся исполняй, Единый и Той же вчера, днесь и во веки!

Свят еси Господи Боже наш, вся могый, нарицай не сущая яко сущая, низводяй даже до ада и паки возводяй!

Свят еси Господи Боже наш, испытуй сердца и утробы человеческия, исчисляй звѣзды и всем им имена нарицай!

Свят еси Господи Боже наш, Его же вси пути истинны и все судьбы оправданы вкупе и вожделенны!

Свят еси Господи Боже наш, отдай грехи отцев на чада, милуй же и награждай в роды родов!

Свят, Свят, Свят еси Господи Боже наш, помилуй ны, падшее создание Твое, Имене ради Святаго Твоего!

Кондак 2

Видев Тя Исаи на Престоле высоте и превознесенне, глаголаше: о, окаянный аз, яко человек сый и нечисты устне имый, и Господа Саваофа видех очима мойма! Егда же уголь горящий, носимый от Ангела, прикоснуса устом его, чисте восхваляше Тебе Отца, и Сына, и Святаго Духа, Единого Бога. Попали убо, о, Пресвятая Троице, огнем

Божества Твоего терние и наших многих беззаконий, да чистым сердцем возопиём Тебе: Аллилуиа!

Икос 2

Разум неуразумённый разумёти ищя великий во пророцех Моисей, глаголаше: яви мне лице Твое, да разумно вижду Тя! Ты же к нему: задняя Моя узриши, лице же Моё не явится тебе: не бо узрит человек лице Моё и жив будет. Нам же, аще и недостойным, благоволил еси явити Себе в лице Единороднаго Сына Твоего: темже благодарне вопиём:

Свят, Свят, Свят еси Господи Боже наш, Серафимов пламенногорящая любви и Херувимов вину светящая премудросте!

Свят еси Господи Боже наш, Небесных Престолов превышний Царю и премирных Господствий всеистинный Господи!

Свят еси Господи Боже наш, Вышних Сил непобедимая Крепосте и Горних Властей всемогущий Властителю!

Свят еси Господи Боже наш, Архангелов всерадостное благовестие и Ангелов неумолкающая проповедь!

Свят еси Господи Боже наш, разумных Начал верховное Всеначало, и всех прочих небесных чинов державный повелителю;

Свят еси Господи Боже наш, Един имейя безсмертие и живый во Свете Неприступнем, со избранными же Твоими, яко со други, лицом к лицу беседуяй!

Свят, Свят, Свят еси Господи Боже наш, помилуй ны, падшее создание Твое, Имене ради Святаго Твоего!

Кондак 3

Силою неизреченнаго могущества Твоего вся содержиши, Слово неизследимая Премудрости Твоея вся строиши, Духом уст Твоих вся живиши и радуеши, о, Трисолнечне Вседетелю! Измерил еси небо дланию и землю пядию, носиши и питаеши всю тварь, вся по имени призываеши, и несть могий утайтися властительныя десницы и взора Твоего: сего ради со всеми вышними и нижними силами, со умилением припадающе, зовём Ти: Аллилуиа!

Икос 3

Имейя всякое создание работно повелению Твоему, всюду являеши следы Промысла и неизчетных совершенств Твоих: темже невидимая Твоя и присносущную Силу и Божество, твореньми помышляема, видяще, со удивлением и радостью зовём:

Свят, Свят, Свят еси Господи Боже наш, властительный Содетелю видимых и невидимых, и любвеобильный Строителю настоящих и грядущих!

Свят еси Господи Боже наш, от четырёх стихий составивый тварь и четырьмя времены круг лета венчавый!

Свят еси Господи Боже наш, повелевый солнцу светити во дни, и луне со звездами просвещати ночь!

Свят еси Господи Боже наш, изводяй ветры от сокровищ, одеваяй небо облаки, и посылаяй дождь и росу в прохладение зноя!

Свят еси Господи Боже наш, препоясуяй холмы радостию и доли веселием, украшаяй рины сельныя и венчаяй поля класами!

Свят еси Господи Боже наш, посылаяй пищу птенцем врановым, напаяяй вся звери сельныя, и полагаяй щедроты Своя на всех делах Своих!

Свят, Свят, Свят еси Господи Боже наш, помилуй ны, падшее создание Твое, Имене ради Святаго Твоего!

Кондак 4

Бурю внутрь имея душепагубныя ереси, второй Иуда, Арий безумный, отвержеся Тебе Сына Божия, Единого от Пребожественныя Троицы быти; мы же аще и ино лице Отчее, ино Сынóвное, ино Святаго Духа глаголем: но Отчее, Сынóвное и Святаго Духа Едино Божество, равну силу, соприсносушно величество, сердцем и устны исповедуем, и яко Трисолнечным светом в купели крещения озаренни, Отцу, и Сыну, и Святому Духу, Единому Богу поклоняемся, зовуще: Аллилуиа!

Икос 4

Слышавше пастве и учителя Святыя Церкви Ария, яко лютаго зверя, торгшася в словесное Христово стадо, и восхищающа овцы от истиннаго исповедания православныя веры, сошедшеся в Никее на соборе, Бога, а не тварь, Христа исповедаша, и равна Отцу Сына и Святаго Духа чтуще, громогласне возгласиша:

Свят, Свят, Свят еси Господи Боже наш, Боже Отче, Боже Сыне, Боже Душе Святыи, Единый Истинный Боже, а не три бози!

Свят еси Господи Боже наш, несозданный Отче, несозданный Сыне, несозданный Душе Святыи, Единые вкупе несозданне, а не три особы несозданны!

Свят еси Господи Боже наш, Отец раждаяй предвечно Сына, Сын раждаемый безлетно от Отца, Дух Святыи из Него же от век исходяй, но не раждаяся!

Свят еси Господи Боже наш, Отец, воззвавый нас от небытия, Сын, искупивый нас падших Крестом Своим, Дух Святыи, освящаяй и животворяй всех Своєю благодатию!

Свят еси Господи Боже наш, в духе, душе и теле нашем трехчастную скинию на вселение Своё основати благоволивый, и всеконечне грехом разрушиться ей в нас не попустивый!

Свят еси Господи Боже наш, знамение Триипостаснаго Существа Своего на всех делех рук Своих, в мире видимом и невидимом, положивый!

Свят, Свят, Свят еси Господи Боже наш, помилуй ны, падшее создание Твое, Имене ради Святаго Твоего!

Кондак 5

Пребезначальная и Вседетельная Троице, создав нас по образу и по подобию Твоему, заповедала еси творити угодная пред Тобою: мы же, окаяннии, злую волю нашу возлюбивше, обеты крещения отвергохом, образ Твой помрачехом; ныне же паки к Тебе прибегаем и молимся, подаждь нам благодать Твою, исхити нас из руки враг, видимых и невидимых, и спаси ны, имиже веси судьбами, да во веки веков зовем Тебе: Аллилуиа!

Икос 5

Видя разум превосходящая совершенства Твоя и неизреченная благодеяния к бедным сынам Адамим (в Тя бо, Триединого Бога истинно веруяй, мертвый духом оживляется, оскверненный совестью очищается, погибший спасается), благодарным умом, благодарным сердцем, благодарными усты, от Тебе созданными, преклоньше колена, глаголем:

Свят, Свят, Свят еси Господи Боже наш, в Триипостасном Совете Твоем положивый сотворити человека, и в тело его, от персти взятое, дыхание жизней из уст Твоих вдохнувый!

Свят еси Господи Боже наш, образом и подобием Твоим в лице Адама всех нас почтый, и рай сладости наследники учинивый!

Свят еси Господи Боже наш, разумом превыше всего видимого вознесый нас, и тварь всю дольную под ноше наши покоривый!

Свят еси Господи Боже наш, древо жизни в пищу нам даровавый и даром безсмертия ны обогативый!

Свят еси Господи Боже наш, преслушавших заповедь прародителей наших и по грехопадении не оставивый, но на уповании спасения прямо Едема вселивый!

Свят еси Господи Боже наш, изведый и нас из чрева матери нашей и благодатию Евангелия, по рождении, освятивый!

Свят, Свят, Свят еси Господи Боже наш, помилуй ны, падшее создание Твое, Имене ради Святаго Твоего!

Кондак 6

Проповедник правды и ревнитель Святаго имени Твоего, Илиа досточудный, возван от Ангела, ста в горе Хориве: бысть же дух крепок, низлагая горы, бысть трус велий и огонь палящ, но не в сих Тя виде, и по огни глас хлада тонка, и тамо Господь; покрыв убо лице милотию, с веселием и страхом зываше: Аллилуиа!

Икос 6

Возсиял еси в просвещение всему миру сияние Трисвѣтлаго Божества Твоего, отгнал еси вся идольская заблуждения, Триипостасный Боже и Господи; весь же род человеческий от долгия тмы язычества в чудный свет Евангелия привел еси, имже озареннии, славим вседержавный Промысл Твой о нас, зовуще:

Свят, Свят, Свят еси Господи Боже наш, до конца растленную грехом тварь водами потопными потребивый и в лице Ноя обновивый весь род человекъ!

Свят еси Господи Боже наш, отлучивый отца верующих Авраама от смешения язык и в потомстве его истинную Церковь основавый!

Свят еси Господи Боже наш, изведый люди Своя из Египта, препитавый их манною в пустыне и введый в землю, кипящую медом и млеко!

Свят еси Господи Боже наш, воздвигий Давида, исполнивый Духом Своим пророки и теми среди Израиля веру в обетованнаго Искупителя сохранивый!

Свят еси Господи Боже наш, пленом Вавилонским согрешшыя люди Своя наказавый и, по скончании его, паки Иерусалиму возградитися повелевый!

Свят еси Господи Боже наш, Маккавѣи в вере и преданиях отеческих непоколебимыми до смерти показавый, и Церковь подзаконную, яко невесту, до пришествия возлюбленнаго Жениха, целу соблюдый!

Свят, Свят, Свят еси Господи Боже наш, помилуй ны, падшее создание Твое, Имене ради Святаго Твоего!

Кондак 7

Хотя проявити величие любве и милосердия Твоего к падшему роду человеческому, егда прииде кончина лета, послал еси Единороднаго Сына Твоего, раждаема от Жены, бываема под законом, да подзаконныя искупит, Иже, пожив на земли яко человек и искупив ны Крестом Своим, вознесся на небо, отнюдуже, исполняя обетование, низпослал нам Пресвятаго Духа Своего, да зовем вси: Аллилуиа!

Икос 7

Дивное воистинну и новое показал еси чудо, дивный в высоких, Господи, егда по низпослании Пресвятаго Духа на избранныя ученики и апостолы, извел еси их на проповедь всему миру, да возвестят великое имя Пресвятыя Троицы и пленят вся языки в послушание веры: тем же, чудящися силе и действию богодухновенных словес их, с радостию зовем:

Свят, Свят, Свят еси Господи Боже наш, избравый немощная, худородная и буия мира, да посрамят крепкия, славныя и премудрыя!

Свят еси Господи Боже наш, воодушевивый безчисленныя сонмы мучеников, да тмами мучений и смертей запечатлеют истину Евангелия и силу благодати Христовой!

Свят еси Господи Боже наш, сердце равноапостольнаго Константина знаменем Креста преклонивый, и тем конец лютым гонением на христиан положивый!

Свят еси Господи Боже наш, седмию Вселенскими Соборы богоносных отец, яко седмию столпы, Церковь оградивши и еретическим треволнением неприступну сотворивый!

Свят еси Господи Боже наш, богомудрым учителем и великим подвижником благочестия, яко пресветлым звездам на тверди Церкви, возсияти даровавый!

Свят еси Господи Боже наш, и владыку земли Российския Владимира к свету истинныя веры наставивый, и тем всю страну нашу от прелести многобожия свободивый!

Свят, Свят, Свят еси Господи Боже наш, помилуй ны, падшее создание Твое, Имене ради Святаго Твоего!

Кондак 8

Странно и чудно у дуба Мамврийска узрев Тя Авраам во образе трех мужей, аки к единому беседоваше, глаголя: Господи, аще обретох благодать пред Тобою, не миню раба Твоего! Трех убо, в Трех явльшихся ему Лицех, Отцу, и Сыну, и Святому Духу, Единому же в существе Богу, до земли поклонися, зовый: Аллилуиа!

Икос 8

Весь еси везде и всегда, не точию могуществом неизчетныя силы Твоея, но и богатством вседетельнаго промысления Твоего о всяцем создании Твоем: нам же, якоже рече Сын Твой, и власи главнии вси изочтени суть у Тебе, да ни един из них падет без воли Твоея: темже, уповающе на Промысл Твой, со дерзновением и любовию зовем:

Свят, Свят, Свят еси Господи Боже наш, благоволивый всему роду человеческому разделитися на племена и языки, и коемуждо их место и время жительства указавый!

Свят еси Господи Боже наш, Имже царие царствуют и сильнии пишут правду, соблюдаяй избранных Своих, яко зеницу ока!

Свят еси Господи Боже наш, от Негоже исходит всяка премудрость и разум, всяка крепость и сила, всяко здравие и лепота!

Свят еси Господи Боже наш, наводяй и отъемляй брани, венчаяй победою правое оружие, неправое же, посреде самых побед, предопределяяй к сокрушению!

Свят еси Господи Боже наш, дай знамения на небеси и на земли, посылаяй огонь, язву и глад на люди, да не до конца заблудят от путей Твоих!

Свят еси Господи Боже наш, возносяй смиренныя от земли, еже посадити со князи людей Своих, и низлагай гордыя, яко не обрестися месту их!

Свят, Свят, Свят еси Господи Боже наш, помилуй ны, падшее создание Твое, Имене ради Святаго Твоего!

Кондак 9

Всякое естество, горé и нíзу, непрестáнно слáвит Тя, предвéчнаго Творцá и Бóга: на небесí едíни, Свят, Свят, Свят, день и ночь взывáют, друзíи же венцý свой к поднóжию ног Твои́х полага́ют: на землí же со всею твáрию мы, я́ко украшеннии о́бразом присносу́щныя Твоея́ слáвы, к Тебé мо́лимся и от Тебé вели́кия и богáтыя мíлости ча́ем, зову́ще: Аллилу́иа!

Икос 9

Ветíя многовещáнные, áще и мно́го тружда́ются мýслию во испытáнии, о Та́инстве Пресвятýя Трóицы, но не мо́гут разумéти, како́ естество́м Едíн есть Бог, в Три́ех же соверше́нных Ли́цах: мы же ве́руем то́чию семý и испове́дуем, како́же, не испытýем, и неизчётная́ благодея́ния к нам коегóждо из Три́ех Божéственных Ли́ц до́бре ве́дуще, с ве́рою и благодарéнием зовéм:

Свят, Свят, Свят есí Гóсподи Бóже наш, прáведным судóм Твои́м всем нам в зéмлю, от не́яже взýты есмы, возвратíтся, и па́ки в день воскресéния из не́я востáти положíвый!

Свят есí Гóсподи Бóже наш, со́лнцу, лунé и звéздам нéкогда помéркнути. землé и всемý, е́же на ней, огнём преобразíтся предопредели́вый, да вмéсто их явítся нéбо но́во и земл́я но́ва, в нíхже прáвда живéт!

Свят есí Гóсподи Бóже наш, устáвивый день, во́ньже предстáнут на суд вся племена́ и язýцы, да воспрíимет кíйждо по делóм свои́м!

Свят есí Гóсподи Бóже наш, имéяй в день возда́ния решú прáведным: приидíte благословéннии Отцá Моегó, и наследуйте Цáрствие, уготóванное вам от сложéния мíра!

Свят есí Гóсподи Бóже наш, от Него́ же нераска́яннии грéшницы услы́шат тогдá со страхом: отыдíte от Мене́ прокля́тии во огонь вéчный, уготóванный дя́волу и áнгелом его́!

Свят есí Гóсподи Бóже наш, обеща́вый Цéрковь Свою́ до концá мíра непоколебíму соблюсти́, во е́же неодо́ленной быти ей и от врат áдовых!

Свят, Свят, Свят есí Гóсподи Бóже наш, помíлуй ны, па́дшее создáние Твое́, Ё́мене ра́ди Свята́го Твоегó!

Кондак 10

Спасти́ хот́я мир, яв́илася есí на Иорда́нстей рецé, Пресвятáя и Пребожéственная Трóице: Оте́ц во гла́се с нéба, свидéтельствуй о возлúбленном Сýне, Сын во о́бразе челове́честем, приéмляй Крещéние от раба́, Дух Святы́й, сходя́й на Крещáемаго в вíде голубíне: тэмже во íмя Едíнаго Бóга, в Три́ же Ли́ца, Отцá, Сýна и Свята́го Дýха, научíхомся просвещáти Крещéнием всякаго́ грядúщаго в мир челове́ка, зову́ще: Аллилу́иа!

Икос 10

Царю Превѣчный, сияй солнце Своѣ на благія и злія, праведныя любяй, грѣшныя же мѣлуй, скверну душевную и телесную нашу омѣй, обитель Свою в нас, аще и недостойных рабѣх Твоих, сотвори ти благоволи, потреби нечистая наша помышления, изгладѣ неподобная деянія, направи язык глаголати благоугодная пред Тобою, да чистым сердцем и устны со умилѣнием зовѣм:

Свят, Свят, Свят еси Господи Боже наш, о Немже апостольский лик яже глаголет, к Немю же пророческий соборъ вѣну взирает!

Свят еси Господи Боже наш, Его же полк мученический боголепно исповѣдует, и преподобных воинство Пресвятѣе имя славословит!

Свят еси Господи Боже наш, о Нем же пустынников множество прѣсно въздыхает, от Него же постников подвиги венчаются!

Свят еси Господи Боже наш, Ему же святители и пастыри благодарственное приносят пѣние, Имже вселенстии учителя во спасѣние наше богомудрствуют!

Свят еси Господи Боже наш, прими мольбу о нас и предстательство всех святых, паче же стирающую к Тебѣ о нас рѣце Своѣ, Дѣву Пречистую!

Свят еси Господи Боже наш, оградѣ нас святыми Твоими Ангелы, и отжени от нас духовъ злобы поднебесных!

Свят, Свят, Свят еси Господи Боже наш, помилуй ны, падшее создание Твоѣ, Имене ради Святаго Твоего!

Кондак 11

Пѣние всякое изнемогает, тщащееся принести должное благодарѣние Тебѣ о всех и за вся, в Троице славному Богу: не обретается бо ни разума, могуща сраспрострѣтися мыслию ко множеству щедрѣт Твоих на нас, ни слова, во еже достойне изрещи я: обаче за вся, нами видимая и нам подаемая, буди Тебѣ, Пресвятая Троице, благодарѣние от нас, честь и слава, яковы же Ты Сама Твоего величества достойны и Тебѣ угодны веси: мы же, покланяющесе Тебѣ, со смирѣнием и любовью зовѣм: Аллилуиа!

Икос 11

Яко светоподательна Тя во обетованиих Твоих светильника, сущым нам во тме неведѣния о будущем жребии нашем явльшася, благодарне исповѣдующе и понѣ единаго из блаженств, Единородным Сыном Твоим возвещенных, улучшить желаяще, всеумильно с верою вопиѣм:

Свят, Свят, Свят еси Господи Боже наш, уготававый избранным Своим блага, ихже око не виде, ухо не слыша, и яже на сердце человеку не въздыша!

Свят еси Господи Боже наш, Его же вси чистии сердцем узрят, якоже есть, и познают, якоже от Него сами познани суть!

Свят еси Господи Боже наш, в Немже вси алчущии и жаждущии правды обретут, николиже оскудевающее насыщѣние!

Свят еси Господи Боже наш, от Него же миротворцы, яко подражатели вся умиротворившаго Единороднаго Сына Твоего, возлюбленными сынами нарекутся!

Свят еси Господи Боже наш, у Него же кратцые наследят землю, и нищии духом улучат некончаемое Царствие!

Свят еси Господи Боже наш, обещающий вечное помилование милующим, и безконечное радование плачущим!

Свят, Свят, Свят еси Господи Боже наш, помилуй ны, падшее создание Твое, Имене ради Святаго Твоего!

Кондак 12

Благодать Твою всеильную подаждь нам, Пресвятая Троице: прими исповедание грехов наших пред величеством славы Твоея, призри на воздыхания наша, низпосли нам духа умиления и щедрот, да, очищеннии душею и сердцем, сподобимся неосужденно звати к Тебе на земли, якоже зывают Ангели на небеси: Аллилуиа!

Икос 12

Поюще Твое всечеловеколубное смотрение, славим Тя вси, Пребезначальная Троице, веруем во Единого Бога Отца, Бога Сына и Бога Духа Святаго, иного, разве Тебе, Господа не вемы, к Тебе припадаем и Тебе молимся, вопиюще:

Свят, Свят, Свят еси Господи Боже наш, буди нам во спасение, да не убоимся никоегоже зла, и в защищение живота нашего, да не утрашимся никоегоже врага!

Свят еси Господи Боже наш, грешныя кающыяся спасаей, спаси убо и нас многогрешных!

Свят еси Господи Боже наш, умножаяй всем милость Твою, умножи ю и на нас, и помилуй ны, яко немощни есмы!

Свят еси Господи Боже наш, продолжи нам век к покаянию и не осуди нас на посечение с смоковницею бесплодною!

Свят еси Господи Боже наш, избави ны искушений, от мира, плоти и диавола находящих, и укрепи в вере и любви к Тебе!

Свят еси Господи Боже наш, сподоби ны лицем к лицу узрети Тя, и внити в светлый чертог Твой на брак Агничий!

Свят, Свят, Свят еси Господи Боже наш, помилуй ны, падшее создание Твое, Имене ради Святаго Твоего!

Кондак 13

О, Пресвятая, Животворящая, Неразделимая и Вседетельная Троице, Отче, Сыне и Духе Святыи, Единые истинный Боже и Творче наш! Нынешнее наше приемши благодарение, низпосли нам благодать и силу от высоты Святаго Престола Твоего, да,

поправше вся плотскія похоти, во всяком благочестии и чистоте проживем до конца дней наших, вину восхваляюще Пресвятое Имя Твое и зовуще: Аллилуиа!

Этот кондак читается трижды, затем икос 1 и кондак 1.

Молитва ко Пресвятей Троице

Пресвятая Троице, Единосущная Державо, всех благих Вина, что воздадим Тебе за вся, яже воздала еси нам, грешным и недостойным, прежде, неже на свет произыдохом, за вся, яже воздаеши коемуждо нас по вся дни и яже уготовала еси нам в веце грядущем? Подобаше убо за толикия благодеяния и щедроты благодарити Тя не словесы точно, но паче дела, храняще и исполняюще заповеди Твоя: мы же, страстем нашим и злым обычаем внемше, в безчисленные от юности низвергохомся грехи и беззакония. Сего ради, яко нечистым и оскверненным, не точно пред трисветлое Лице Твое безстыдно явитися, но ниже Имене Твоего Пресвятаго изрещи довлеяше нам, аще бы не Ты Сама благоизволила, во отраду нашу возвестити, яко чистыя и праведныя любиши, грешники кающияся милуеши и благоутробне приемлещи. Призри убо, о, Пребожественная Троице, с высоты Святыя Славы Твоея на нас, многогрешных, и благое произволение наше вместо благих дел приими: и подаждь нам духа истиннаго покаяния, да возненавидевше всякий грех, в чистоте и правде, до конца дней наших проживем, творяще пресвятую волю Твою и славяще чистыми помысли и благими деяньми сладчайшее и великолепое Имя Твое. Аминь.